

Isertitsivimmu inissinneqarneq pillugu Kalaallit Nunaannut nalunaarut

Politiit atuuffiat pillugu inatsimmi § 11, imm. 5 malillugu, peqqussutikkut nr. 1320, 23. September 2022-meersukkut Kalaallit Nunaannut atuutilersinneqartoq, aalajangersarneqarpoq:

Atuuffia

§ 1. Politiit atuuffiat pillugu inatsimmi § 11 aamma 12 malillugit inuit aalakoortut politiit isertitsiviinut inissinneqarsinnaapput.

Imm. 2. Isertitsivik aalakoortunik inissiinermut atorneqartinnagu, uani nalunaarummi aalajangersakkat atuutissanngillat.

Imm. 3. Meeraq 12-it ataallugit ukiulik isertitsivimmu inissinneqaqqusaanngilaq.

Imm. 4. Meeraq 15-it ataallugit ukiulik taamaallaat isertitsivimmu inissinneqarsinnaavoq, meeqqap pissusilersonera tunngavigalugu aatsaat inissiineq alla isumannaassutsikkut illersorneqarsinnaanngippat, tak. politiit atuuffiat pillugu inatsimmi § 12. Inissiineq aallaavittut akunnernik 4-nit sivisunerussanngilaq.

Imm. 5. Imm. 4 malillugu isertitsivinnut inissiinerit Rigspolitichefimu nalunaarutigineqassapput. Rigspolitichefi nalunaarutiginninnerit imarisassaat il. il. pillugit aalajangersakkanik erseqqinnerusunik aalajangersaassaaq.

§ 2. Pineqaatissiissutit sakkukinnerusut, tak. politiit atuuffiat pillugu inatsimmi § 11, imm. 2 aamma 3, aalakoortumut imaluunniit allanut imaluunniit inuiaqatigiinni tamat toresumiinnerannut imaluunniit isumannaassusaannut ulorianaatilinnik pinngitsoortitsinissamut naammangitsutut nalilerneqarpata, politiit aalajangissavaat inuk aalakoortoq kiffaanngissusiiagaassanersoq makkua siunertaralugit:

- 1) angerlartitsineq,
- 2) allanut tunniussineq, pineqartumik illersorneqarsinnaasumik isumaginnissinnaasunut,
- 3) napparsimmavimmu inissiineq imaluunniit
- 4) angerlarsimaffimmu isumaginniffusumut inissiineq imaluunniit assigisaanut.

Imm. 2. Pineqaatissiissutit sakkukinnerusut imm. 1, nr. 1-miit 4-mut taaneqartut, pineqartumut imaluunniit allanut imaluunniit inuiaqatigiinni tamat toresumiinnerannut imaluunniit isumannaassusaannut ulorianaatilinnik pinngitsoortitsinissamut naammangitsutut imaluunniit tulluannngitsutut nalilerneqarpata, taava inuk pineqartoq isertitsivimmu inissinneqarsinnaavoq.

Inunnik aalakoortunik kiffaanngissusiianeq, angallassineq aamma politeeqarfinnut inissiineq

§ 3. Inuk aalakoortoq politiit atuuffiat pillugu inatsimmi §§ 11 aamma 12 malillugit kiffaanngissusiiagaappat, taava politiit pineqartoq kiffaanngissusiiagaanermut pissutaasoq pillugu ilisimatissavaat aammalu taamaaliortoqarsinnaappat pineqartoq oqaaseqarnissamut periarfississallugu. Kiffaanngissusiianeq pisut aallaavigalugit sapinngisamik qajassuartumik ingerlanneqassaaq.

§ 4. Inuup aalakoortup kiffaanngissusiiakkap peqqissusianik naliliinermi politiit eqqumaffigissavaat pineqartup attaveqarnermi siullermi qanoq issusia, tassunga ilagitillugu pineqartoq ajoqusersimanersoq. Tassunga atatillugu politiit ilisimannittuusinnaasut kiffaanngissusiiakkap qanoq issusia, sumiissimanagera il. il. pillugit apersorsinnaavaat.

Imm. 2. Politiit misissussavaat, kiffaanngissusiiagaq aalakoornartunik imaluunniit toquararnartunik il. il. paarisaqarnermoq, kiffaanngissusiiakkamit arsaarinnissutaasussanik.

§ 5. Inunnik aalakoortunik kiffaanngissusiiakkanik politeeqarfimmukaassinerup nalaani politeeqarfimmi sulisuusup piaarnerpaamik nakorsamik aggeqqusissaaq kiffaanngissusiiakkap misissorneqarnissaa siunertaralugu. Taammaattoq tamanna atuutissanngilaq angallassineq sivikisuinnaappat. Sumiiffimmi pineqartumi nakorsaqanngippat, peqqinnissaqarfik aalajangersinnaavoq, peqqissaasunit allanit misissuineq ingerlanneqassasoq.

Imm. 2. Politeeqarfimmut angallanneqarnerup nalaani kiffaanngissusiiagaq nakkutigineqaannaavissaaq.

Imm. 3. Kiffaanngissusiiagaq politiit akerlianik suaassusilinnik angallanneqaruni, sapinngisamik ikinnerpaamik politiit sulisut marluk pineqartoq angallassineq tamaat najussavaat.

§ 6. Sillimasuusooq peqatigalugu politeeqarfimmut apuunnermi kiffaanngissusiiagaq piaarnerpaamik sillimasuusut aqutsisuannut sassartinneqassaaq, takuulli *imm.* 3.

Kiffaanngissusiiakkap qanoq issusia aamma pissusilersornera pillugit paasissutissat attuumassuteqartut tamaasa tunuliaqutaralugit sillimasuusut aqutsisuata nalilissavaa, pineqartoq isertitsivimmut inissinneqassanersoq.

Imm. 2. Politeeqarfimmi sillimasuni aqutsisoqanngitsuni isertitsivimmut inissiineq pissaaq sillimasut aqutsisuannut saqqummiussereernermi.

§ 7. Inuup aalakoortup kiffaanngissusiiakkap isertitsivimmut inissinneqannginnerani politiit pineqartoq qanigisaminut aamma/imaluunniit sulisitsisuminut attaveqarsinnaanera pillugu ilisimatissavaat. Pineqartoq pinerlunnermut atatillugu kiffaanngissusiiagaasimappat, Justitsministeriap kaajallaasitaani nr. 9155, 18. marts 2010-meersumi malittarisassat, kingusinnerusukkut allannguutit ilanngullugit, atorneqassappat.

Imm. 2. Pisut tamanna ajornartinnigippassuk, kiffaanngissusiiakkap qanigisami aamma/imaluunniit sulisitsisumi ilisimatinneqarnissaannut noqqaassuteqarnera politiit isumagalugu naammassissavaat.

Imm. 3. Kiffaangissusiiakkap noqqaassutigippagu nammineerluni oqarasuaatikku qanigisani aamma/imaluunniit sulisitsisuni ilisimatissallugit, noqqaassuuteqarneq taamaattoq naammassineqassaaq. Taamaattoq tamanna atuutissanngilaq, pissutsinut immikkut ittunut naapertuutinnngippat, assersuutigalugu kiffaangissusiiakkap angerlarsimaffimminut imaluunniit sulisitsisuminut nalunaaruteqarnermini pinerluttulerinermi misissuineq ingerlanneqarsinnaasoq akornusersorsinnaammagu.

§ 8. Kiffaangissusiiagaq 18-it ataallugit ukioqarpat, angajoqqaatut oqartussaasoq aamma inunnik isumaginnittoqarfik kajumissaarisuunatik kiffaangissusiianeq pillugu nalunaaruteqarfigineqassapput.

Isertitsivimmu inissiinermi periuseq, tassunga ilagitillugit kiffaangissusiiakkat nakorsanit misissorneqarneri aammalu isertitsivimmu inissinneqarsimasunik nakkutilliineq

§ 9. Isertitsivimmu inissiinninnermi kiffaangissusiiagaq piaarnerpaamik nakorsamit misissorneqassaaq. Sumiiffimmi nakorsaqannngippat, peqqinnissaqarfik aalajangersinnaavoq, misissuineq peqqissaasunit allanit ingerlanneqassasoq.

Imm. 2. Meeqqamik 15-it ataallugit ukiulimmik isertitsivimmu inissiinermi, tak. § 1, imm. 4, piaarnerpaamik nakorsamit misissuineqassaaq.

Imm. 3. Kiffaangissusiiakkap nakorsamit misissorneqarnissaata tungaanut, utaqqiisaagallartumik isertitsivimmu inissiisoqarsinnaavoq.

Imm. 4. Isertitsivimmu inissiigallarnermi kiffaangissusiiagaq annertusisamik nakkutigineqassaaq, tak. § 15.

§ 10. Isertitsivimmu inissiigallarnissaq pitinnagu aammalu nakorsamit misissortinnissaq pitinnagu, kiffaangissusiiakkap pigisai misissorneqassapput.

Imm. 2. Pigisanik misissuinermi kiffaangissusiiagaq aningaasaataanik aamma pigisaanik nalilinnik arsaarneqassaaq kiisalu atortuunik tamanik, imminut, inunnut allanut imaluunniit atortunut ajoqusiinissamut atorneqarsinnaasunik. Kaasarfiit tamakkerlugit imaarneqassapput aammalu taanneqassallutik, tamanna periarfissaappat. Pigisanik misissuinermi sapinngisamik politiini sulisut marluk kiffaangissusiiakkap misissuiffigineranut peqataassapput.

Imm. 3. Pisut tamanna ajornartinnngippasuk, pigisanik misissuineq paqumisutsitsisinnaasoq, inunnit kiffaangissusiiagaasup suaiaqatigisaanit taamaallaat ingerlanneqarsinnaavoq. Isertitsivimmu inissiinissaq sioqqullugu misissuineq taamaattoq ingerlanneqarsinnaannngippat, pigisanik misissuineq politiini sulisunik minnerpaamik marluusunit ingerlanneqassaaq. Isertitsivimmu inissiinissaq sioqqullugu misissuineq taamaattoq ingerlanneqarsinnaannngippat, imm. 2 malillugu misissuigallarneq ingerlanneqassaaq. Tamatuma kingorna kiffaangissusiiagaasoq annertusisamik nakkutigineqassaaq, tak. § 15.

Imm. 4. Atortut kiffaangissusiakkamit arsaarinnissutaasut, allat kiffaangissusiiagaasut atortunit pigisaannit avissaangatineqarnissaat politiit isumagissavaat.

§ 11. Kiffaangissusiiakkap nakorsamit misissortinnera nakorsamik/nakorsamik sillimasuusumik aggeqqusinikkut imaluunniit nakorsiartarfimmi misissortinnikkut ingerlanneqassaaq. Sumiiffimmi nakorsaqanngippat, peqqinnissaqarfiup aalajangersinnaavaa, misissortinneq peqqissaasunit allanit ingerlanneqassasoq.

Imm. 2. Nakorsamit misissortinnerup takutissavaa, kiffaangissusiiagaq imatut qanoq issuseqartoq, isertitsivimmuut inissinneqarnissamut naapertuutinngitsumik, aammalu pineqartoq qanoq issuseqartoq, napparsimavimmi, nakorsamit imaluunniit assigisaani misissortinnissamut pisariaqartitsisumik.

Imm. 3. Politiit taamaallaat nakorsamit imaluunniit peqqissaasunit allanit misissuisunit akuerineqarnikkut kiffaangissusiiagaq nakorsaatnik tunisinnaavaat.

§ 12. Tunngaviusumik taamaallaat inunnik ataasiakkaaginnarnik isertitsivinnut tamanut inissiisoqarsinnaavoq.

Imm. 2. Taamaattoq pisuni immikkut illuinnartuni inunnik suiaaqatigiinnik arlalinnik isertitsivimmuut ataatsimut inissiisoqarsinnaavoq. Taamaattoqassappat inuit ulorianarsinnaassusiat pillugu immikkut naliliisoqassaaq, aammalu isertitsivimmuut inissinneqarsimasut annertusisamik nakkutigineqassallutik, tak. § 15. Meeqqat 18-it ataallugit ukiullit inuit kiffaangissusiiakkat 18-inik imaluunniit sinnerlugit ukiullit peqatigalugit inissinneqarsinnaanngillat.

§ 13. Politiit ilinniarsimasut akisussaaffigivaat, isertitsivinnut inissinneqarsimasunik nakkutiginnilluarnissaq.

§ 14. Isertitsivimmuut inissinneqarsimasunik nakkutiginninneq isertitsivinnut isertarnikkut pisassaaq imatut akulikitsigisumik, inissinneqarsimasut ataasiakkaat isumannaassusaannut qulakkeerinninnissamut pisariaqartitsineq naapertorlugu.

Imm. 2. Qitiusumik politeeqarfinni ulloq unnuarlu ingerlanneqartuni isertitsivinnut isertarluni nakkutiginninneq sapinngisamik akunnerit affakkaarlugit pisassaaq.

Imm. 3. Qitiusumik aammalu sumiiffikkaartuni politeeqarfinni ulloq unnuarlu ingerlanneqanngitsuni, illoqarfimmi politeeqarfiup inissisimaqatigisaanni isertitsivinnut isertarluni nakkutiginninneq sapinngisamik ullormut 4-riarluni pisassaaq.

Imm. 4. Sumiiffinni ataavartumik politiit kiffartuussiveqanngitsuni isertitsivinnut isertarluni nakkutiginninneq, illoqarfinni politeeqarfeqartuni isertitsivinnut inissinneqartunik nakkutiginninnerup assinganik sapinngisamik ingerlanneqassaaq, tak. imm. 3. Nakkutiginninneq kommunefoged-init imaluunniit inunnit Justitsministeriamit politiit oqartussaataasunit ingerlanneqassaaq.

Imm. 5. Isertitsivimmut inissinneqarsimasoq nakorsamit misissortereernerata kingorna isertitsivimmut isernikkut 2-riarluni alakkarneqarsimappat, aammalu pineqartup qanoq issusia eqqarsaatigalugu nalilerneqarpat, isertitsivimmut isernikkut nakkutigineqarnissaa pisariaqanngitsoq, tamatuma kingorna nakkutiginninneq tusarnaarutit aamma nakkutiginninnermut atortut, Rigspolitichefimit elektroniskiusumik nakkutilliissutitut akuerineqarsimasut, atorlugit ingerlanneqarsinnaavoq. Isertitsivimmut inissiineq aamma nakorsamit misissortinneq nakkutiginninnerunngillat.

Imm. 6. Tusarnaarutit aamma nakkutiginninnermut atortut aqputigalugit nakkutiginninneq ima akulikitsigissaaq, isertitsivimmut inissinneqarsimasup qanoq issusianut naapertuutissalluni aammalu akunnerup affakkaartumik ikinnerpaamik 1-riarluni pisassalluni. Taamatut nakkutiginninnerup nalaani isertitsivimmut inissinneqarsimasup qanoq issusia nalorninarsippat, piaarnerpaamik isertitsivimmut inissinneqarsimasoq alakkarneqassaaq isertitsivimmut isernikkut.

Imm. 7. Isertitsivimmut inissinneqarsimasumik nakkutiginninnermut atatillugu pasitsaanneqarpat pineqartoq ima napparsimatigisoq, isertitsivimmi inissiisimaannarnissaaq naapertuukkunnaarluni, taava piaarnerpaamik nakorsamik imaluunniit ambulance-mik aggeqqusisoqassaaq.

§ 15. Pisuni tulluuttuni isertitsivimmut inissinneqarsimasoq annertusisamik nakkutigineqassaaq:

- 1) Isertitsivimmut inissiigallarnermi, tak. § 9.
- 2) Isertitsivimmut inissinneqarsimasoq pillugu paasissutissat pigineqartut - tassunga ilagitillugit pinerlussimasut nalunaarsorsimaffianni paasissutissat aaneqarsimasut - tamatumunnga tunngaviliippata.
- 3) Pisuni, taamaallaat pigisanik misissuigallarnermik ingerlatsiviusimasuni, tak. § 10, imm. 3.
- 4) Meeraq 12-it aamma 15-it akornanni ukiulik allatut iliuuseqarluni isertitsivimmut inissinneqarpat, tak. § 1, imm. 4.
- 5) Inuit 2-t allatut iliuuseqarluni isertitsivimmut ataatsimut inissinneqarpata, tak. § 12, imm. 2.

Imm. 2. Annertusisamik nakkutiginninnermi nakkutilliineq imatut paasineqassaaq, isertitsivimmut inissinneqarsimasoq akunneq affakkaartumik 1-riarluni alakkaasarnermiit amerlanerusunik alakkarneqartarpat. Pisut aallaavigalugit annertusisamik nakkutiginninneq piffissaaq tamaat nakkutiginninnerusinnaavoq.

Imm. 3. Annertusisamik nakkutiginninneq taamaallaat pisinnaavoq politiitut ilinniarsimasup isertitsivimmut isertarneratigut, takuulli imm. 4.

Imm. 4. Sumiiffinni ataavartumik politiinit kiffartuussiveqanngitsuni annertusisamik nakkutiginninneq isertitsivimmut isernikkut, kommunefoged-init imaluunniit inunnit Justitsministeriamit politiitut oqartussaataasunit ingerlanneqassaaq, tak. § 14, imm. 4, 2 pkt.

Isertitsivimmut inissinneqarsimanerup kingorna iperagaaneq, maalaaruteqarsinnaanermut ilitsersorneqarneq il. il.

§ 16. Isertitsivimmut inissinneqarsimasoq iperagaassaaq, kiffaangissusiagaanermut tunngavigneqartoq atuukkunnaariaannartoq.

§ 17. Isertitsivimmiit anisitaanerup kingorna kiffaangissusiagaasimasoq isertitsivimmut inissinneqarsimaneq pillugu maalaaruteqarsinnaaneranik, isertitsivimmut inissinneqarneq pillugu allakkatigut tunngavilersuummik pissarsisiinnaaneranik kiisalu aalakoornartumik atuisuujunnaarnissaa pillugu aammalu ilaatigut katsorsarneqarsinnaanermut periarfissaa pillugit ilitsersorneqassaaq.

§ 18. Pisut immikkut ittut tamatumunnga tunngaviliippata, pineqartup noqqaassuteqarnerata kingorna angerlaanneqartariaqarpoq, nakorsamukaaneqartariaqarpoq imaluunniit inunnik isumaginnittunukaaneqartariaqarpoq politiit pineqaatissiinerisigut.

§ 19. Rigspolitichefi allaffissornikkut maleruaqqusanik aalajangersaasinnaavoq politiit isertitsiviinik il. il. atuinermut tunngasunik.

Imm. 2. Sumiiffinni pissutsinut immikkut ittunut tamanna naapertuuppat, inuttaqarnermut, atortunut aammalu aaqqissugaanermut tunngatillugu, Rigspolitichefi politiit pisortaanik eqqartueqatigeereernermigut aammalu Justitsministeriamiit akuerineqareernikkut sumiiffimmi isertitsivimmut inissiineq pillugu malittarisassanik aalajangersaasinnaavoq, uani nalunaarummi § 1, imm. 2-mik, § 5-imik, § 6-imik, § 10, imm. 2-mik, § 13-imik aamma § 14, imm. 1-miit 3-mut saneqqussisunik.

Atuutilerfissaa

§ 20. Nalunaarut atuutilissaaq ulloq 1. januar 2023.

Justitsministeria, ulloq 19. december 2022

Peter Hummelgaard

/ Marie Green